



KOMUNA
RAHOVEC

PLANI I PUNËS I
KRYETARIT TË
KOMUNËS DHE
QEVERISË KOMUNALE

2020

PËRMBAJTJA

KRYETARI I KOMUNËS.....	2
DREJTORIA PËR ADMINISTRATË.....	8
DREJTORIA PËR SHËNDETËSI DHE PËRKUJDESJE SOCIALE.....	10
DREJTORIA PËR ARSIM.....	12
DREJTORIA PËR BUXHET DHE FINANCA.....	14
DREJTORIA PËR EKONOMI, ZHVILLIM DHE TURIZËM.....	15
DREJTORIA PËR URBANIZËM, PLANIFIKIM DHE MBROJTJE TË MJEDISIT.....	16
DREJTORIA PËR SHËRBIME PUBLIKE.....	18
DREJTORIA PËR BUJQËSI, PYLLTARI DHE ZHVILLIM RURAL.....	20
DREJTORIA PËR GJEODEZI , KADASTËR DHE PRONË	23
DREJTORIA PËR KULTURË, RINI DHE SPORT	25
DREJTORIA PËR PUNË INSPEKTUESE	28
DREJTORIA PËR MBROJTJE DHE SHPËTIM	30
PËRFUNDIM.....	32

KRYETARI I KOMUNËS

Në bazë të Statutit të Komunës së Rahovecit dhe rregulloreve në fuqi, komuna e Rahovecit ka hartuar Planin Vjetor të Punës për vitin 2020 duke u bazuar në prioritetet strategjike dhe të nevojave të adresuara nga qytetarët e komunës sonë.

Plani i Punës për Qeverisjen Lokale në Rahovec parasheh këtë vizion zhvillimor për komunën e Rahovecit:

"Bujqësi e zhvilluar, infrastrukturë të rregulluar, përmirësimi i shëndetit dhe mirëqenies sociale, edukim, arsimim dhe shërbime të cilësisë së lartë për qytetarët tanë, krijimi i kushteve më të mira për investime në ekonomi, kthimi i hapësirave nga menaxhimi i APK (Agjencioni Pyjor i Kosovës) në menaxhim nga Komuna".

Në vazhden e zbatimit të vizionit për Rahovecin që është bazament i qeverisjes së tanishme lokale, prioritetet kryesore për vitin 2020 janë këto:

PRIORITETET KRYESORE PËR VITIN 2020

- Rahoveci një vend i dëshirueshëm për të jetuar, për të punuar dhe për të mbajtur familjen,
- Të përgjegjshëm ndaj nevojave të qytetarëve, në rritjen e nivelit të kënaqshmërisë së qytetarëve me ofrimin e shërbimeve dhe informim publik cilësor,
- Komunë me performancë të mirë dhe qeverisje demokratike,
- Administratë efikase, e përgjegjshme dhe me shërbime moderne,
- Qeverisje energjike, vepruese dhe vendimmarrje pa vonesë,
- Realizim i suksesshëm i projekteve dhe i buxhetit,
- Realizim i planit të të hyrave komunale,
- Promovimi dhe përmirësimi i mjedisit të Rahovecit si qytet lider për ushtrimin e veprimtarive të bizneseve ekzistuese, zgjerimin e tyre si dhe për ato të reja,
- Ndërtim i rrugëve të reja dhe mirëmbajtja e rrugëve ekzistuese,
- Rritja e rolit dhe shtimi i aktiviteteve të inspektoratit,
- Edukim të dinjitoz i brezave të rinj duke iu ofruar mësimdhënie dhe mësimnxënie cilësore bashkëkohore, mjedis të përshtatshëm mësimor me infrastrukturë adekuate dhe gjithëpërfshirëse,
- Ofrimi i mjediseve për rekreacion, ngjarjeve kulturore dhe programe për t'i përmbushur nevojat e qytetarëve të të gjitha moshave, me theks të veçantë në mirëqenien e rinisë,
- Krijimi dhe mirëmbajtja e sistemit të sigurtë dhe efikas të qarkullimit në trafik,
- Shtimi dhe mirëmbajtja e parqeve, hapësirave publike, objekteve rekreative, rrugëve, ndërtesave dhe infrastrukturës tjetër me qëllim të arritjes së standardeve të larta të dukjes dhe gjendjes së tyre,
- Vizita sistematike shëndetësore nëpër të gjitha shkollat,
- Nxitje të investimeve dhe projekteve në turizëm,

- Trotuare dhe shtigje të ecjes për këmbësorë e biciklistë,
- Rritje e përkrahjes për bujqësinë dhe rritje e përkrahjes direkte për fermerët,
- Projekte për kullimin e tokave bujqësore,
- Rritje e cilësisë dhe investime në arsim,
- Bursa për student,
- Investime në nyjat sanitare dhe meremetim të shkollave ,
- Ndërtimi i shkollave dhe çerdheve të reja,
- Eficienca e energjisë në objektet shkollore dhe në objektet e tjera publike,
- Bashkëpunim i mirë me donatorët e jashtëm,
- Komunikim dhe bashkëpunim me OJQ-të.

Në kuadër të Planit të Punës për Qeverisjen Lokale në Rahovec janë paraparë edhe:

VLERAT E QEVERISJES

- Integriteti dhe besimi,
- Përkushtimi për shërbime,
- Inovacioni dhe përmirësimi i vazhdueshëm,
- Përpjekja për përsosmëri në cilësinë dhe produktivitetin e punës sonë,
- Performanca , Transparenca dhe Llogaridhënia,
- Planifikimi afatgjatë,
- Puna ekipore.

SYNIME PËR VITIN 2020

- Investime më të mëdha në bujqësi, përmirësimi i infrastrukturës bujqësore për fermerët e vyeshëm të komunës sonë, riparimi dhe mirëmbajtja e rrugëve fushore, intervenime në ndërtimin e kanaleve të kullimit dhe drenazimit të tokave bujqësore
- Funkcionalitet më i madh i rrjetit të shërbimeve shëndetësore dhe kohëzgjatje e shërbimeve
- Përmbyllja e ciklit të investimeve në ujësjellës dhe investime në trajtimin e ujërave të zeza
- Hartimi i projekteve të reja për ndërtimin e rrjeteve të kanalizimit, të rrugëve, ndriçimit publik, trotuarëve
- Vazhdimi i trajtimit të shtretërve të lumenjve dhe përrenjve, përmes investimeve kapitale nga komuna e Rahovecit dhe mbështetjes nga Qeveria e Kosovës, me qëllim: mbrojtjen nga vërshimet dhe ruajtjen e mjedisit
- Krijimi i hapësirave të reja të gjelbëruara, rregullimi i parqeve dhe mbjellja e drunjve
- Riparimet dhe investimet në efikasitet të energjisë në objektet shkollore
- Vazhdimi i investimeve në ndërtimin e çerdheve për fëmijë
- Vazhdimi dhe përfundimi i projekteve për ndërtimin e shkollave të reja të filluara nga viti 2018 dhe 2019
- Investime në trashëgimi kulturore dhe historike, restaurime, ndërtimi i muzeve etj.

- Plani i veprimit për rritjen e të hyrave komunale
- Plani i veprimit për inkasimin e tatimit në tokë
- Subvencionim më i madh i OJQ-ve, kategorive të caktuara të shoqërisë dhe i veprimtarive të ndryshme komunale
- Mbikëqyrje aktive dhe rritje e cilësisë në investimet publike
- Vazhdimi i evidentimit dhe lirim të pronave të uzurpuara në nivel të komunës
- Dyfishim i përpjekjeve për mbrojtje të mjedisit, mbrojtjen e tokave bujqësore, mbrojtjen e pronës publike, parandalimi i ndërtimeve pa leje
- Planifikimi i masave për mbrojtje, shpëtim dhe ndihmë në rast të fatkeqësive natyrore dhe fatkeqësive të tjera
- Projekte me partneritet publiko-privat
- Mbikëqyrje më aktive, sistematike dhe rritje e cilësisë në të gjitha investimet publike
- Hartimi i planeve, nxjerrja e akteve dhe rregulloreve të tjera të punës
- Zhvillimi i Rahovecit në përputhje me planet zhvillimore komunale dhe menaxhimi i burimeve fizike bazuar mbi parimet e shëndosha mjedisore si dhe mbi parimet e partneritetit me mekanizma vendor e ndërkombëtar, të cilët ndihmojnë në arritjen e vizionit për komunë model me një qeverisje kualitative, efikase dhe llogaridhënëse
- Përmes Qendrës për Shërbime me Qytetarë, ngritja e bashkëpunimit me të gjitha drejtoritë e administratës komunale, organet e komunës dhe njësitë e tjera për shqyrtimin dhe vendosjen e kërkesave/lëndëve brenda afateve ligjore.

Plani Vjetor i Punës, siç është paraqitur më poshtë, përkufizon synimin me qëllim të realizimit të objektivave të përcaktuara, si dhe njëkohësisht liston të gjithë zyrtarët përgjegjës për mbarëvajtjen e punëve për secilën pikë.

Personat përgjegjës obligohen që për çfarëdo shtyrje eventuale të afatit kohor të përfundimit të punëve, apo mospërmbajtje ndaj të njëjtës, të raportojnë me shkrim te Kryetari i komunës. Ndryshimet eventuale, për arsye kuptimplota, apo faktorëve të jashtëm, do të harmonizohen me Kryetarin e Komunës si dhe ekipin përgjegjës për realizimin e tërësishëm të këtij plani.

Pjesë përbërëse e planit të punës së ekzekutivit komunal për vitin 2020 do të jenë planet e punës të të gjitha drejtorive komunale në komunën e Rahovecit si dhe njësitë të cilat veprojnë në kuadër të zyrës së Kryetarit të Komunës së Rahovecit.

Zyra Ligjore

Zyra ligjore në komunën e Rahovecit me këtë plan synon arritjen e objektivave për vitin 2020:

- Ofrimin e këshillave juridike të rregullta për organet komunale dhe trupave të formuara nga organet komunale, Kryetarin e Komunës, Kuvendin Komunal, drejtorët e drejtorive, komiteteve të përhershme dhe konsultative, Zyrës së Prokurimit, komisioneve etj.)

- Harton (përpilon) vendime, aktvendime, pëlqime, urdhëresa, memorandume mirëkuptimi, kontrata, marrëveshje, leje pune, leje ndërtimi dhe shkresa të tjera për organet komunale dhe trupat e formuar nga organet komunale.
- Pjesëmarrjen në komisionet e ndryshme të formuara nga Kryetari i Komunës për çështjet e caktuara.
- Hartimin e rregulloreve sipas kërkesës së drejtorive
- Pjesëmarrje të rregullt në seancat e Kuvendit të Komunës së Rahovecit.

Zyra e Burimeve Njerëzore - Njësia e Personelit

Njësia e Personelit në kuadër të kompetencave të saj, për periudhën deri në fund të vitit 2020, ka për synim të arrij këto objektiva:

- Mbajtjen e nivelit të efektivitetit të shërbimeve të Njesisë së Personelit
- Zbatimin e ndryshimeve të reja ligjore në fushën e resurseve njerëzore
- Zbatimin dhe familjarizimin e punëtorëve dhe menaxhmentit me programin SIMBNJ
- Mbikëqyrjen e pranisë së punëtorëve në punë
- Përkujdesjen për pajisjen e punëtorëve me kartela identifikimi
- Menaxhimin efikas me arkivin e njesisë së personelit.
- Shkarkimi nga programi PYROLL i listës së pagave dhe pagesave në formë elektronike dhe dërgimi i tyre te zyrtarët përgjegjës
- Krijimi i dosjeve pasive, sistemimi i dosjeve si dhe ruajtja e tyre.

Zyra e Prokurimit

Plani i punës së Zyrës së Prokurimit është i ndikuar nga planet e punës së drejtorive komunale. Përmes këtij plani synim i zyrës së prokurimit është që të kryej të gjitha veprimet me kohë, pa vonesa duke u bazuar në planifikimet e drejtorive komunale për projektet kapitale dhe në pajtim me ligjin e prokurimit publik.

Zyra për Përfaqësim Ligjor - Avokatura

Zyra për Përfaqësim Ligjor (ZPL) e komunës së Rahovecit kryen detyrat dhe punët në kuadër të Kabinetit të Kryetarit të Komunës, në bazë të praktikës së Avokaturës Publike Komunale dhe Ligjit për Avokaturën Shtetërore.

Ndër aktivitetet kryesore parashihen të jenë: përfaqësimi i komunës në seanca gjyqësore, ushtrimi i padive për palët, prapësimet e rasteve duke respektuar afatet ligjore, mendime juridike për zyrat e kryetarit dhe të drejtorive komunale, takime konsultuese dhe informuese me Kryetarin e komunës, ushtrimi i mjeteve të rregullta në procedurë përmbartimore, mbajtja e regjistrave të lëndëve, pranimit/dorëzimit i shkresave dhe klasifikimi, pranimit i ftesave për seanca gjyqësore

Zyra për Informim dhe Marrëdhënie me Publikun

Plani i punës së Zyrës për Informim dhe Marrëdhënie me Publikun për vitin 2020, bazohet në Statutin e Komunës, Rregulloren Komunale për Transparencë 03/2019 dhe Planin e Veprimit për Transparencë Komunale për vitet 2019-2023.

Ndër aktivitetet kryesore parashihen të jenë:

Publikimi i vendimeve të nënshkruara nga kryetari, përgatitja e lajmeve dhe njoftimeve për aktivitetet e kryetarit dhe drejtorive komunale, dërgimi i vendimeve të nënshkruara nga Kryetari në MAPL, publikimi i raportit të qeverisë komunale për vitin 2019, publikimi i planit të punës së qeverisë komunale për vitin 2020, pranimi i kërkesave për qasje në dokumente publike dhe kthimi i përgjigjes bazuar në ligjin për qasje në dokumente publike, publikimi i njoftimeve për mbledhjet e kuvendit komunal-KPF-së dhe Komitetit për Komunitete, përgatitja e njoftimeve për aktivitete përkujtimore, ngjarje e përvjetorë e për data të rëndësishme, publikimi i dokumenteve-rezultateve të përgatitura nga OJQ-të për transparencë dhe llogaridhënie për komunën e Rahovecit, publikimi i konkurseve, publikimi i thirrjeve për aplikim, publikimi i ankandeve, publikime të tjera, sipas nevojës, kërkesave dhe interesave të komunës.

Zyra e Auditimit të Brendshëm

Gjatë vitit 2020 Njësia e Auditimit të Brendshëm planifikon të auditojë këto drejtori:

- Drejtorja për Urbanizëm, Planifikim Hapësinor dhe Mbrojtje të Mjedisit
- Drejtorja për Punë Inspektuese
- Drejtorja për Kadastër, Gjeodezi dhe Pronë
- Drejtorja për Kulturë, Rini dhe Sport
- Drejtorja për Ekonomi, Zhvillim dhe Turizëm
- Drejtorja për Shëndetësi dhe Mirëqenie Sociale
- Drejtorja për Shërbime Publike
- Drejtorja për Administratë të Përgjithshme
- Drejtorja për Financa dhe Buxhet
- Zyra e Prokurimit.

Nga koha për zbatimin e detyrave të auditimit sipas planifikimit strategjik 2020-2022, për vitin 2020 të cilat janë 251 ditë, për auditime sipas kërkesës së menaxhmentit, njësia e auditimit të brendshëm planifikon 60% të kohës efektive të punës. Në rast të kërkesës për ndonjë auditim nga Zyrtari Kryesor Administrativ, Njësia e auditimit të brendshëm do të bëjë ndryshim/plotësimin e planit vjetor varësisht se në cilën periudhë kohore bëhet kërkesa.

Zyra Komunale për Komunitet dhe Kthim

- Zbatimi i Planit Lokal të Veprimit për përfshirjen e komunitetit Rom dhe Ashkali 2019-2021

- Zbatimi i Planit Lokal për personat e riadhesuar dhe kthim të qëndrueshëm 2019-2022
- Takimet me Komisionin për Kthim të Komuniteteve
- Monitorimi dhe realizimi i projekteve për të kthyerit
- Bashkëpunim me Ministrinë për Kthim dhe Komunitete dhe Ministrinë e tjera të linjës
- Krijimi i data bazës mbi gjendjen në bujqësi, shëndetësi, arsim dhe gjendjes sociale të komuniteteve
- Promovimi i aktiviteteve që kanë të bëjnë me fëmijët dhe barazinë gjinore te pjesëtarët e komuniteteve.

Njësia Komunale për të Drejtat e Njeriut

Në planin e punës për periudhën janar – dhjetor 2020 përfshihen aktivitetet që do të realizohen në fushën e të drejtave të njeriut.

- Promovimi dhe mbrojtja e të drejtave të njeriut (organizimi i fushatave sensibilizuese për të drejtat e njeriut, publikimi i doracakëve dhe broshurave informative, organizimi i tryezave, debateve të ndryshme për gjendjen aktuale të të drejtave të njeriut),
- Ngritja e vetëdijes së qytetarëve në proceset që kanë të bëjnë me të drejtat e njeriut (Shqyrtimi i ankesave të qytetarëve për shkelje eventuale të të drejtave të njeriut nga institucionet komunale në bashkëpunim me Institucionin e Avokatit të Popullit),
- Përmirësimi i situatës së të drejtave të fëmijëve në komunën e Rahovecit (Lansimi i Strategjisë Nacionale për parandalimin e punës së rëndë të fëmijëve),
- Ofrimi i mundësive të barabarta për punësim dhe ofrimin e shërbimeve për qytetarë, krijimi i kushteve të përshtatshme për punë për të gjithë (në sektorin publik), në kontekst të zbatimit të të drejtave të njeriut,
- Integrimi i komuniteteve në të gjitha fushat e jetës dhe të punës në komunën e Rahovecit,
- Integrimi i personave me aftësi të kufizuara në jetën shoqërore.

Zyra për Integritime Evropiane

Zyra për Integritime Evropiane do të kryej funksionin dhe detyrat e veta, duke u bazuar në rregulloren nr. 08/2011 për organizimin dhe përgjegjësitë e zyrtarit komunal për integrim evropian në monitorimin, bashkëpunimin dhe raportimin e rregullt për Ministrinë e Administrimit të Pushtetit Lokal, Departamentin për Integritime Evropiane.

Bashkërendimi i aktiviteteve me Asociaconin e Komunave me ministrinë e linjës (MAPL/ MIE), avancimi i sistemit të riintegritimit të qëndrueshëm për personat e riadhesuar, përmirësimi i bashkëpunimit dhe dialogut civil me shoqërinë civile lokale dhe palët e tjera të interesuara, organizimi i këshillimit të përbashkët me ZKIE-të për finalizimin e planeve individuale nga obligimet e agjendës evropiane 2020, raportet periodike (raporti vjetor janar-dhjetor 2020 për përmbushjen e obligimeve nga Agjenda Evropiane për komuna, raportimet 6 mujore për raportin e vendit dhe (MSA), raportimet vjetore për

Planin Komunal të Veprimit për Zbatimin e Marrëveshjes së Stabilizim - Asociimit -MSA 2020 - janë disa nga aktivitetet kyçe të planifikuara për vitin 2020 në kuadër të ZIE-së.

Zyra për Barazi Gjinore

Punët dhe detyrat e parapara me plan vjetor do të kryhen me efikasitet, përgjegjësi dhe profesionalizëm në harmoni me përcaktimin e detyrave të punës.

Vetëdijesimi në çështjen e barazisë gjinore, mbajtja e ligjëratave, fushatave sensibilizuese në vise rurale dhe në qytet, zbatimi i rregullores për barazi gjinore, takime përgatitore me gratë e viseve rurale dhe kryesuesit e fshatrave për identifikimin e prioriteteve të grave me qëllim të përfshirjes së perspektivës gjinore në rishikimin dhe planifikimin e buxhetit të komunës, përkrahja dhe zbatueshmëria e ligjeve në lidhje me barazinë gjinore, zbatimi, monitorimi i tyre dhe raportimi mbi zbatueshmërinë e tyre - janë disa nga aktivitetet kyçe të planifikuara për vitin 2020 në kuadër të ZBGJ-së.

Në kuadër të këtij dokumenti të qeverisjes së Rahovecit, këtu po paraqesim edhe objektivat kryesore të drejtorive komunale.

Secila drejtori është përgjegjëse që në harmoni me objektivat strategjike të qeverisjes së komunës së Rahovecit të përcaktojë planin e vet të punës dhe ta realizojë të njëjtin, gjithherë duke qenë në shërbim të qytetarëve.

DREJTORIA PËR ADMINISTRATË

Drejtorja e Administratës në kuadër të fushëveprimtarisë së saj, në bazë të kompetencave dhe autorizimeve ligjore, me qëllim që të ngritet niveli i performancës së kësaj drejtorie harton planin e punës për vitin 2020.

DA këtë plan do të mundohet ta arrijë përmes:

- Bashkëpunimit me MAPL, MPB, MAP dhe ministritë e tjera të rëndësishme si dhe me institucionet vendore dhe ndërkombëtare,
- Bashkëpunimi me organizatat qeveritare dhe joqeveritare me qëllim të funksionalizimit të shërbimeve dhe realizimit të planit të punës për vitin 2020.

Për të promovuar performancë më të avancuar të shërbimeve cilësore për qytetarët e komunës së Rahovecit, Drejtorja e Administratës së Përgjithshme, paraqet planin vjetor të punës për vitin 2020 të kategorizuar në periudha tremujore.

Tremujori i parë: janar, shkurt, mars

- Përmes Qendrës për Shërbime me Qytetarë, synohet ngritja e bashkëpunimit me të gjitha drejtoritë e administratës komunale, organet e komunës dhe njësitë e tjera për shqyrtimin dhe vendosjen e kërkesave/lëndëve brenda afateve ligjore,
- Qysh në fillim vit do të kujdesemi që të pajisemi me numër të mjaftueshëm të certifikatave në mënyrë që të përballojmë fluksin e qytetarëve e në veçanti edhe të mërgimtarëve tanë të cilët pajisen me dokumente,
- Mbikëqyrja e rrjetit, serverëve, kompjuterëve, pajisje të tjera të teknologjisë informative
- Përgatitja dhe organizimi i seancave të rregullta, seancat e jashtëzakonshme dhe seancat emergjente (gjatë tërë vitit),
- Përgatitja e materialit për mbledhjet e Kuvendit, dërgimi i materialit dhe ftesës MAPL-së dhe kuvendarëve me anë të e-mailit (gjatë tërë vitit),
- Të gjitha vendimet e nxjerra nga Kuvendi do të procedohen më tutje sipas rregulloreve dhe ligjeve në fuqi, të njëjtat do të kujdesemi që të arkivohen në mënyrën më të mirë të mundshme.

Tremujori i dytë: prill, maj, qershor

- Planifikojmë që të përgatisim trajnime në lidhje me përdorimin e sistemeve elektronike për stafin e komunës,
- Mirëmbajtja e serverëve,
- Përgatitja profesionale dhe teknike e mbledhjeve të Komitetit për Politikë dhe Financa dhe Komiteteve tjera të parapara me Statutin e Komunës, bazuar në kalendarin vjetor për mbajtjen e mbledhjeve të Komiteteve (gjatë tërë vitit),
- Përkthimi i të gjitha materialeve të Kuvendit, Komiteteve, Bordit të Drejtorëve dhe organeve tjera komunale, si dhe përkthimi stimulant i seancave të rregullta dhe të jashtëzakonshme të Kuvendit, Komiteteve dhe takimeve tjera të institucioneve komunale (gjatë tërë vitit).

Në gjashtëmuajorin e parë të vitit 2020 synimi ynë kryesor është ofrimi i shërbimeve të modernizuara. Do të kujdesemi që stafi të jetë i përgatitur me njohuri, gjithmonë duke u bazuar në ligjet aplikative, menaxhimi dhe kontrollimi i punës së përditshme të shërbimit të stafit dhe në terren, efikasiteti dhe efektiviteti i shërbimit, azhurnimi i punëve sektoriale, trajnimi dhe ngritja e kapaciteteve, respektimi i akteve ligjore.

Tremujori i tretë: korrik, gusht, shtator

- Muajt korrik dhe gusht do të shpallen si muajt e mërgimtarëve, ku përveç aktiviteteve kulturore artistike, në Administratë do të rriten shërbimet për qytetarë dhe zyrtarët komunalë të Administratës do të punojnë me orar të zgjatur. Në kuadër të “Muajit të Mërgimtarëve”, do të hapet edhe një sportel i veçantë për mërgimtarë, gjithashtu do të kujdesemi për parking të veturave që të ketë vend të mjaftueshëm për mërgimtarët tanë,
- Lidhja e ndërtesës së Bibliotekës dhe muzeut me rrjetin Qeveritar,

- Në sektorin e arkivit do të bëhet pranimi dhe arkivimi i lëndëve të përfunduara nga ana e drejtorisë, të gjitha lëndët do të arkivohen në depo të komunës në pajtim me ligjin (gjatë tërë vitit),
- Organizimi i punëve të arkivit komunal përmes një protokollit hyrës, si dhe shpërndarja e lëndëve nëpër organet e komunës, drejtoritë e Administratës si dhe njësitë e tjera.

Tremujori i katërt: tetor, nëntor, dhjetor

- Do të vizitohen të gjitha zyrat e gjendjeve civile në bashkësi lokale, në mënyrë që të evidentohet çdo nevojë ose kërkesë e zyrave të vendit për shërbime sa më cilësore për qytetarët tanë,
- Kontrollimi i kabllove dhe pajisjeve të rrjetit, pastrimi i rregullt i serverëve, bartja e incizimeve të mbledhjeve, koordinimi me ASHI për licenca, instalimi i printerëve, instalimi i pajisjeve transmetuese,
- Servisimi i radiatorëve me rreze infra të kuqe.

Në gjashtëmuajorin e dytë të vitit 2020 synimi ynë kryesor është rritja e përkushtimit dhe diciplinës në respektim të procedurave dhe ligjit, digjitalizim i avancuar i shërbimeve administrative, transparencë në vendimarrje dhe procedura ekzekutive, bashkëpunim në diversitet mendimesh.

DREJTORIA PËR SHËNDETËSI DHE PËRKUJDESJE SOCIALE

Drejtoria për DSHPS, për vitin 2020 planifikon rritjen e kapaciteteve të kuadrove mjekësor, modernizimin e shërbimeve shëndetësore, zbatimin e projekteve të hartuara gjatë planifikimit, me qëllim të rritjes së mirëqenies së qytetarëve të komunës së Rahovecit.

DSHPS këtë plan do të mundohet ta arrijë përmes:

- Implementimit të projekteve kapitale në shëndetësi,
- Përkrahjes së mjekëve dhe personelit shëndetësor,
- Shërbimeve këshillimore për pacientë,
- Bashkëpunimit me Ministrinë e Shëndetësisë dhe organizatat vendore dhe ndërkombëtare që veprojnë në fushën e shëndetësisë.

Prioritetet e Drejtorisë për Shëndetësi:

Duke u bazuar në planifikimin e buxhetit, përcjelljen e thirrjeve të MSH-së për aplikim të fondeve dhe të granteve, si dhe detyrave të tjera, prioritetet e drejtorisë do të kategorizohen në periudha tremujore.

Tremujori i parë: janar, shkurt, mars

DSHPS qysh në janar do të kujdeset që të hapet reparti i hemodializës, në bashkëpunim edhe me Transfuzionin Kombëtar të Gjakut do të hapim një njësi të transfuzionit të gjakut e cila do të shërbejë për nevojat e pacientëve në dializë.

Poashtu, DSHPS-ja do të përgatitet që të jetë e gatshme të përballojë fluksin e pacientëve në raste të gripave virusale, njëashtu në dy QMF-të, në dy lokalitete të mëdha, si në: Krushë të Madhe dhe Ratkoc do të vazhdojmë të ofrojmë shërbime mjekësore për qytetarët tanë me dy ndërrime .

Duke u bazuar në planin e prokurimit, do të iniciohen edhe procedurat e shpalljes së tenderëve për zbatimin e projekteve kapitale si dhe përcjellja e realizimit të projekteve që janë në vazhdim, me theks të veçantë: Ndërtimi i QKMF-së dhe Emergjencës, si dhe ndërtimi i QMF-së në Çifllak.

Tremujori i dytë: prill, maj, qershor

Gjatë kësaj periudhe planifikohet të bëhet përgatitja e stafit për njësinë e emergjencës, ku do të trajnohen ekipet e veçanta për këtë njësi.

Prioritet kyç në këtë vit është funksionalizimi i plotë i objektit të ri të QKMF-së dhe Emergjencës në të cilën qytetarët e komunës sonë do të kenë mundësi të shfrytëzojnë të drejtën e marrjes së shërbimeve shëndetësore në të gjithë sektorët e shëndetësisë si në: sektorin për shëndetësi dhe mirëqenie sociale.

Në gjashtëmujorin e parë të vitit 2020, synimi ynë kryesor është përmirësimi i infrastrukturës shëndetësore për qytetarët e komunës sonë, në kuadër të infrastrukturës parashihet që kujdes i shtuar të bëhet në:

- *Riparimin dhe mirëmbajtjen e objekteve shëndetësore,*
- *Intervenimin në ndërtimin e QMF-ve, dhe AMF-ve.*

Tremujori i tretë: korrik, gusht, shtator

Periudhën e tretë të vitit 2020 do ta karakterizojë furnizimi me vaksinat kundër gripit sezonal për të moshuarit, përcjellja e projekteve të investimeve kapitale në këtë tremujor, si dhe shpërndarja në mënyrë të drejtë e subvencioneve për ndihma momentale.

Tremujori i katërt: tetor, nëntor, dhjetor

Fokus i periudhës së fundit të vitit do të jetë përcjellja e punimeve në investime kapitale, sigurisht se prioritet kryesor do të jetë realizimi i buxhetit, do të kujdesemi që punët e kryera të mbikëqyren dhe të shpenzohet buxheti në përpikmëri, si dhe planifikimi i buxhetit për vitin e ardhshëm.

Në gjashtëmujorin e dytë të vitit 2020 synimi ynë kryesor është zoonimi I popullatës në çdo 2000 banorë (një mjek i mjeksësië familjare – 2 teknik medicinalë). Për këtë synim parashohim të arrijmë të jemi sa më afër qytetarëve tanë për marrjen e shërbimeve shëndetësore.

DREJTORIA PËR ARSIM

Drejtoria për Arsim për vitin 2020 planifikon të realizojë aktivitetet e shumta me qëllime, synime dhe prioritetet e qarta.

Qëllimet kryesore të DKA-së janë përmirësimi i kushteve për mësimdhënie frytdhënëse, mbarëvajtja e procesit edukativo arsimor dhe arritja e sukseseve më të mëdha të nxënësve të të gjitha niveleve.

Synimet kryesore e DKA-së për vitin 2020 janë:

- Themelimi dhe funksionalizimi i plotë Ekipeve për Parandalimin dhe Reagimin kundër Braktisjes dhe Mosregjistrimit të nxënësve (EPRBM) nëpër shkolla;
- Funksionalizimi i plotë i aktivave profesionale (AP) në secilën shkollë;
- Riparimet dhe investimet në efikasitet të energjisë në objektet shkollore;
- Vazhdimi i investimeve në ndërtimin e çerdheve për fëmijë;
- Vazhdimi dhe përfundimi i projekteve për ndërtimin e shkollave të reja të filluara nga viti 2018 dhe 2019;
- Furnizimi i shkollave me libra, pajisja me mjete konkretizimi e laboratorike dhe teknologji informative;

Prioritetet themelore të DKA-së për vitin 2020 janë:

- Përmirësimi i infrastrukturës së institucioneve shkollore
- Mbarëvajtja e procesit edukativo arsimor
- Nxitja e nxënësve për të mësuar përmes organizimit periodik të garave të diturisë në secilin nivel arsimor.
- Ngritja e cilësisë në arsim.

Tremujori i parë: janar, shkurt, mars

Në tremujorin e parë, përveçse do të analizohet vijueshmëria dhe suksesi i nxënësve në fund të gjysmëvjetorit të parë, do të bëhen përgatitjet e nevojshme për fillimin e gjysmëvjetorit të dytë. Do të funksionalizojmë aktivet profesionale në secilën shkollë, të cilat do të jenë në bashkëpunim dhe koordinim të plotë me Ekipin Profesional Monitorues dhe Vlerësues (EPMV) të DKA-së. Nga Ministria e Zhvillimit Ekonomik, presim të fillojë zbatimin e programit të fituar për zbatimin e Masave të Efikasitetit të Energjisë në shkollat e komunës sonë dhe do të zhvillojmë aktivitete kulturore dhe garuese me nxënës. Në këtë periudhë do të bëjmë inventarizimin e 6 klasave parashkollore në shkolla të ndryshme.

Tremujori i dytë: prill, maj, qershor

Në tremujorin e dytë, Ekipi Profesional Vlerësues dhe Monitorues i DKA-së do të angazhohet në të gjitha shkollat dhe do të koordinojë veprimet me aktivet profesionale të shkollave, për të siguruar që ecuria e procesit të realizimit të planprogrameve mësimore po ecën mirë. Do të mbajmë gara të diturisë me

nxënësit e të gjitha niveleve dhe të shumicës së lëndëve mësimore. Poashtu, do të bëhen përgatitje dhe do të organizohet testi i maturës për nxënësit e klasave të 12-ta dhe testi i arritshmërisë për nxënësit e klasave të 9-ta. Gjatë kësaj periudhe do t'i evidentojmë të gjitha shkollat që kanë nevojë për riparime gjatë muajve të verës. Do të zhvillojmë takimet e rregullta me drejtorët e shkollave, me ç'rast do të bëhet një analizë e përgjithshme e procesit mësimor gjatë vitit mësimor. Poashtu, në këtë periudhë, DKA do të pranojë dhe analizojë raportet e punës së dy ekipeve, EPRMB-së dhe EPMV-së dhe do të përcjellë hap pas hapi ecurinë e ndërtimit të shkollave dhe çerdheve.

Në gjashtëmuajorin e parë synimi ynë kryesor do të jetë përmbyllja e vitit mësimor me një zvogëlim të ndjeshëm të mungesave të nxënësve, sidomos në Shkollat e Mesme të Larta dhe ngritja e nivelit të cilësisë në Arsim, në të gjitha nivelet.

Tremujori i tretë: korrik, gusht, shtator

Në tremujorin e tretë, do të bëhet planifikimi i kuadrit mësimor për vitin shkollor 2020/2021 si dhe do të fokusohemi edhe në riparimin e objekteve shkollore. Do të analizohen sukseset dhe mangësitë e vitit shkollor 2019/2020 dhe do të bëhen përgatitjet për fillimin e vitit të ri shkollor 2020/2021. Të gjitha SHFMU-të do të furnizohen me tekste mësimore dhe do të marrim të gjitha masat e nevojshme që viti i ri shkollor të fillojë mbarë në të gjitha shkollat. Në këtë periudhë, do të bëhet gati edhe planifikimi i projekteve kapitale për arsim për vitin pasues 2021, do të bëhet furnizimi i bibliotekave të shkollave me libra, mjete konkretizimi, pajisje laboratorike dhe të teknologjisë informative. Do të bëhet furnizimi me lëndë djegëse për ngrohje për të gjitha shkollat dhe institucionet edukativo arsimore para muajit Nëntor dhe do të përcillet vazhdimisht realizimi i projekteve kapitale në fushën e arsimit.

Tremujori i katërt: tetor, nëntor, dhjetor

Në tremujorin e katërt, do të mbahen takime me drejtorët e shkollave dhe me koordinatorët e cilësisë për mbarëvajtjen e procesit edukativo arsimor për periudhën e parë vlerësuese të vitit të ri shkollor dhe për ecurinë e zbatimit të planprogrameve mësimore. Gjithashtu, EPMV do të vizitojë të gjitha shkollat, me ç'rast do të koordinojë veprimet me aktivet profesionale të shkollave. Drejtori i DKA-së do të realizojë takime të njëpasnjëshme me Këshillat e Arsimtarëve të çdo shkolle.

Në gjatëmuajorin e dytë, synojmë t'i arrijmë qëllimet tona për t'i vënë në funksion Aktivat Profesionale të çdo shkolle, të realizojmë një numër të madh të projekteve të filluara më parë dhe të planifikojmë projekte të reja, në funksion të ngritjes së cilësisë në Arsim.

DREJTORIA PËR BUXHET DHE FINANCA

Në bazë të detyrave dhe obligimeve të cilat dalin nga fushëveprimtaria e saj, Drejtoria për Buxhet dhe Financa me Planin e Punës për Vitin 2020 parasheh realizimin e këtyre objektivave:

Nr.	AKTIVITETET PËRSHKRIMI	PERIUDHA E KRYERJES	EKZEKUTUESI
1.	Pasqyrat vjetore financiare 2019	Janar 2020	Drejtori i drejtorisë dhe ZKF
2.	Përgatitja e raportit financiar për kuvend 2019	Janar 2020	Drejtori i drejtorisë dhe ZKF
3.	Rrjedha e Parasë (Plani CASH)	Janar 2020	Drejtori i Drejtorisë dhe ZKF
4.	Përgatitja dhe shpërndarja e faturave të tatimit në pronë	Janar –Mars	Spektori i Tatimit në Pronë
5.	Përgatitja për fillimin e implementimit të tatimit në tokë	Janar –Mars	Spektori i Tatimit në Pronë
6.	Regjistrimi dhe verifikimi i objekteve	Permanente	Spektori i Tatimit në Pronë
7.	Plan strategjia e realizimit të të hyrave komunale (tatimi në pronë, toka) në raport me planifikimin (I përfunduar)	Permanente	Spektori i Tatimit në Pronë
8.	Përgatitja e raportit tre mujor financiar 2020	Prill 2020	ZKF
9.	Përgatitja e KAB-it komunal 2021-2023, sipas qarkoreve buxhetore I dhe II	Qershor 2020	Drejtori i drejtorisë në bashkëpunim me të gjitha drejtoritë
10.	Dërgimi i raportit të auditimit për vitin 2019 në kuvend, i audituar nga ana e Zyrës së Auditimit Kombëtar	Qershor 2020	Drejtori i drejtorisë
11.	Raporti Financiar 6 (gjashtë)mujor, janar-qershor 2020	Korrik -2020	Drejtori i drejtorisë dhe ZKF
12.	Mbajtja e dëgjimeve buxhetore me qytetarë nga ekzekutivi dhe KPF	Qershor-Gusht 2020	Drejtori i drejtorisë
13.	Dorëzimi i KAB-it komunal 2021- 2023, për votim në kuvendin komunal	Shtator 2020	Drejtori i drejtorisë
14.	Futja e të dhënave në sistemin PIP dhe BDMS	Korrik-Shtator 2020	Zyrtarët e çertifikuar për sistem
15.	Përgatitja e raportit nëntë mujor financiar 2020	Tetor 2020	Drejtori i drejtorisë dhe ZKF
16.	Mbyllja e vitit fiskal 2020 me një përqindje të lartë të shpenzimit të buxhetit dhe me një përqindje të lartë të realizimit të të hyrave komunale	Dhjetor 2020	Drejtori i drejtorisë

Synim kryesor i DPF-së për vitin 2020 do të jetë, zvogëlimi i obligimeve financiare dhe kontraktuale në fund të vitit 2020 si dhe mbyllja e vitit fiskal 2020, me përqindje të lartë të shpenzimit të buxhetit, dhe me një përqindje të lartë të realizimit të të hyrave.

Planstrategjia e zgjerimit/rritjes të inkasimit të bazës së të hyrave planifikohet të bëhet nga: Tatimi në tokë, legalizimi i objekteve, participimet nga bujqësia etj.

DREJTORIA PËR EKONOMI, ZHVILLIM DHE TURIZËM

Drejtoria për Zhvillim Ekonomik për vitin 2020 planifikon të ndërmarrë iniciativa të cilat qojnë në arritje të rezultateve konkrete, do t'i kushtohet vëmendje komunikimit konstruktiv me të gjitha institucionet e rëndësishme në nivel lokal dhe qendror, me donatorë, si dhe me investitorë potencial të huaj dhe vendor.

DEZHT këtë plan do të mundohet ta arrijë përmes:

- Realizimit të projekteve kapitale
- Mbështetjes së bizneseve fillestare dhe atyre ekzistuese, të vogla e të mesme
- Bashkëpunimit me Ministrinë e Tregtisë dhe Industrisë si dhe me organizatat vendore dhe ndërkombëtare që veprojnë në fushën e zhvillimit ekonomik dhe turizmit.

Prioritetet e Drejtorisë për Ekonomi, Zhvillim dhe Turizëm:

Duke u bazuar në planifikimin e buxhetit, përcjelljen e thirrjeve të MIT-së për aplikim të fondeve dhe të granteve, prioritetet e drejtorisë do të kategorizohen në periudha tremujore.

Tremujori i parë: janar, shkurt, mars

Gjatë periudhës tremujore janar, shkurt dhe mars, DEZHT planifikon ofrimin e mbështetjes për bizneset fillestare dhe atyre ekzistuese të vogla e të mesme, përmes aktiviteteve trajnuese, këshilluese, duke përfshirë edhe promovimin e bizneseve lokale.

Planifikimi dhe regjistrimi i të gjitha subjekteve afariste prej librit kryesor të vitit 2019 dhe regjistrimi në librin e ri të vitit 2020, kalkulimi i ngarkesave për vitin 2020 në formë elektronike, përpilimi dhe analizimi i ngarkesave të taksës afariste komunale për vitin 2020, mirëmbajtja e sistemit të pasurisë financiare dhe jo financiare, do ta karakterizojnë këtë periudhë tremujore.

Tremujori i dytë: prill, maj, qershor

Regjistrimi i aseteve kapitale, mbikëqyrja dhe inkasimi i të hyrave në qira, si dhe mbikëqyrja e objekteve afariste komunale gjatë gjithë vitit, lidhja e kontratave të reja, rritja e inkasimit të të hyrave në taksë afariste komunale, ofrimi i shërbimeve për regjistrimin e bizneseve do të vazhdojnë ta karakterizojnë këtë periudhë tremujore.

Hartimi i programeve sipas veprimtarive dhe sektorëve të ndryshëm ekonomik, si dhe përgatitja e propozimeve konkrete për projekte të rëndësishme të cilat ndikojnë drejtpërdrejt në zhvillimin e sektorëve të veçantë - janë synim i yni, me fokus të veçantë, për vitin 2020.

Në gjashtëmujorin e parë të vitit 2020, synimi ynë kryesor është inkurajimi i krijimit të bizneseve të reja duke i'u ofruar shërbime bizneseve sidomos atyre fillestare në përgatitjen e aplikacioneve për thirrje për grante nga burimet e ndryshme financiare.

Identifikimi i bizneseve të cilat kanë interesim për të zgjeruar aktivitetin e tyre biznesor dhe për të hyrë në partneritet me investitorë potencialë.

Tremujori i tretë: korrik, gusht, shtator

Gjatë periudhës së tretë të vitit 2020, DEZHT planifikon të vazhdojë me shpërndarjen e të gjitha aktvendimeve të bizneseve për ngarkesën e taksave dhe të saldoeve ose (obligimeve të mbetura), si në taksa afariste komunale dhe në qira.

Tremujori i katërt: tetor, nëntor, dhjetor

Në periudhën e katërt të vitit 2020 në bashkëpunim me DBPZHR-në, do të përkujdesemi të bëjmë organizimin e panairit dimëror, padyshim që prioritet i DEZHT-së mbetet realizimi i buxhetit në përpikmëri si dhe rritja e të hyrave komunale nëpërmjet inkasimit të të hyrave nga taksat dhe qiraja.

Në gjashtëmujorin e dytë të vitit 2020, synimi ynë kryesor është përfundimi i realizimit të projektit "Shtëpia e të moshuarve për qëndrim ditor", investime në turizëm dhe shtigje të ecjes, investime në infrastrukturë, pas licencimit të Zonës Ekonomike – Parkut Industrial në Opterushë.

Përmirësimi i jetesës së qytetarëve dhe rritja e efikasitetit të shërbimeve të ofruara në fushën e zhvillimit ekonomik lokal mbetet fokusi kryesor i kësaj drejtorie.

DREJTORIA PËR URBANIZËM, PLANIFIKIM DHE MBROJTJE TË MJEDISIT

Drejtoria për Urbanizëm, Planifikim dhe Mbrojtje të Mjedisit, në bazë të Statutit të Komunës së Rahovecit dhe rregulloreve në fuqi, ka hartuar planin vjetor të punës duke u bazuar në prioritetet strategjike dhe të nevojave të adresuara nga qytetarët e komunës sonë.

Duke u bazuar edhe në përvojën e viteve të kaluara, plani vjetor i punës për vitin 2020 është hartuar me kujdes, në mënyrë që të jetë i kompletuar në aspektin e zbatimit gjatë tërë vitit dhe është i kategorizuar në periudha tre mujore.

Tremujori i parë: janar, shkurt, mars

Në tremujorin e parë të vitit 2020, DUPMM planifikon që të bëjë shqyrtimin e të gjitha kërkesave nga qytetarët tanë, siç janë: lejet ndërtimore, lejet e rrënitimit, kushtet ndërtimore, lejet mjedisore komunale, pëlqimet, vërtetimet urbanistike, njoftime dhe shkresa të ndryshme rreth zbatimit të Planit Zhvillimor Komunal dhe planeve të tjera rregulluese, si dhe mbrojtjes së mjedisit.

Rritja e të hyrave vetanake përmes lëshimit të lejeve ndërtimore, procesit të legalizimit dhe lejeve mjedisore komunale, në bashkëpunim me Drejtorinë për Punë Inspektuese, legalizimi i objekteve pa leje dhe respektimi i ligjit të ri për trajtimin e objekteve pa leje, hartimi i planeve rregulluese urbane, sipas ligjeve të reja të planifikimit hapësinor do të vazhdojnë ta karakterizojnë këtë periudhë tremujore.

Tremujori i dytë: prill, maj, qershor

Vazhdimi i hartimit të Hartës Zonale të Komunës së Rahovecit, rritja e kualitetit të hartimit të projekteve të ndryshme për investime, përmes revidimit ose kontrollit dhe pranimit nga një komision profesional komunal, rritja e kualitetit të mbikëqyrjes, rrjedhimisht të punimeve në projektet kapitale, duke punuar ngushtë me organin mbikëqyrës, shpallja e tenderëve në bazë të planit të prokurimit për vitin 2020, përkrahja e iniciativave në ruajtjen e mjedisit, shënimi i ditëve ndërkombëtare të tokës, ujit, mjedisit - janë disa nga planifikimet kyçe të DUPMM-së për këtë periudhë tremujore.

Në gjashtëmujorin e parë të vitit 2020, synim kryesor kemi rritjen e të hyrave vetanake përmes lëshimit të lejeve ndërtimore, procesit të legalizimit dhe lejeve mjedisore komunale, në bashkëpunim me Drejtorinë për Punë Inspektuese, legalizimn e objekteve pa leje dhe respektimin e ligjit të ri për trajtimin e objekteve pa leje.

Tremujori i tretë: korrik, gusht, shtator

Aplikimi i masave të EE-së në projekte të ndryshme kapitale, shpallja e konkursit ndërkombëtar për dizajnimin e sheshit qendror të qytetit të Rahovecit, me një proces transparent të planifikimit dhe të pjesëmarrjes së qytetarëve, trajtimi i objekteve me rëndësi të veçantë, ndërtimi i kullave për heronjtë e dëshmorë, i komplekseve të dëshmorëve e martirëve, rregullimit të varrezave, pllakave përkujtimore, shtatoreve, busteve, vazhdimi i trajtimit të shtretërve të lumenjve dhe përrenjve, përmes investimeve kapitale nga Komuna e Rahovecit dhe mbështetjes nga Qeveria e Kosovës, me qëllim mbrojtjen nga vërshimet dhe ruajtjen e mjedisit, krijimi i hapësirave të reja të gjelbëruara, rregullimi i parqeve dhe mbjellja e drunjtëve, vazhdimi i hartimit të Planit Lokal të Veprimit në Mjedis, me pjesëmarrjen e ekspertëve dhe qytetarëve.

Tremujori i katërt: tetor, nëntor, dhjetor

Fokusi i periudhës së fundit të vitit do të jetë: menaxhimi sa më efektiv i projekteve kapitale të menaxhuara nga Drejtoria për Urbanizëm, Planifikim dhe Mbrojtje të Mjedisit, në bashkëpunim me organin mbikëqyrës, sigurisht, se prioriteti kryesor do të jetë realizimi i buxhetit.

Rritja e përkushtimit në mbrojtjen e mjedisit, pastrimit të deponive ilegale, në bashkëpunim me Drejtorinë për Shërbime Publike, është poashtu prioritet kyç i kësaj drejtorie.

Në gjashtëmujorin e dytë të vitit 2020, synim kryesor kemi vazhdimin e trajtimit të shtretërve të lumenjve dhe përrenjve, përmes investimeve kapitale nga Komuna e Rahovecit dhe mbështetjes nga Qeveria e Kosovës, me qëllim mbrojtjen nga vërshimet dhe ruajtjen e mjedisit, krijimi i hapësirave të reja të gjelbëruara, rregullimin e parqeve dhe mbjelljen e drunjve.

DREJTORIA PËR SHËRBIME PUBLIKE

Drejtoria për Shërbime Publike për vitin 2020 planifikon rritjen e investimeve në infrastrukturë publike, në ndriçim publik, ndërtimin e rrugëve lokale, zgjerimin e rrjeteve të kanalizimeve fekale, mirëmbajtjen e hapësirave publike si dhe investimeve tjera të nevojshme që janë prioritet për qytetarët e komunës sonë.

DSHP këtë plan do të mundohet t'ia arrijë përmes:

- Realizimit të projekteve kapitale në infrastrukturë publike,
- Mirëmbajtjes së rrugëve, gjatë dy sezonave,
- Mirëmbajtjen e hapësirave publike,
- Realizimit të disa projekteve që janë bashkëfinansim me Ministrinë e Infrastrukturës, MAPL-së, MMPH-së, si dhe grandet e fituara nga donatorë të ndryshëm.

Prioritetet e Drejtorisë së Shërbimeve Publike:

Duke u bazuar në planifikimin e buxhetit, si dhe në planifikimin e bërë për investime publike, prioritetet e drejtorisë do të kategorizohen në periudha tremujore.

Tremujori i parë: janar, shkurt, mars

- Pastrimin e rrugëve dhe trotuareve nga bora dhe intervenimet e tjera emergjente (Janar-Shkurt-Mars 2020);
- Intervenimet emergjente në infrastrukturë (Janar-Shkurt-Mars 2020)
- Heqjen e deponive ilegale të inerteve (gjatë vitit 2020);
- Analizimin e kontratave dhe përmbushjen e tyre në projektet si: trotuare, rrugë, rrethrotullime, hapësira publike, mbikëqyrjen dhe mirëmbajtjen e varrezave të dëshmorëve, të martirëve, të civilëve, poashtu, të shesheve, pllakave përkujtimore, të hapësirave të gjelbëruara etj. (gjatë tërë vitit 2020);
- Hartimin e projekteve të reja për ndërtimin e rrjeteve të kanalizimit, të rrugëve, ndriçimit publik, trotuareve, etj;
- Mbledhja e të hyrave nga sipërfaqet publike sipas rregullores së DSHP-së;
- Mirëmbajtjen e rregullt të kanaleve të ujërave fekale nga kompania KRU-Gjakova.

Tremujori i dytë: prill, maj, qershor

- Ndërtimin e rrugëve në qytet dhe fshatrat e komunës sipas prioriteteve dhe planit të prokurimit (2020);
- Ndërtimin dhe mirëmbajtjen e kanalizimeve dhe ndërhyrjet emergjente në disa vendbanime të komunës së Rahovecit (2020);
- Ndërtimin e trotuareve në qytet dhe fshatrat e komunës sipas prioriteteve (gjatë tërë vitit 2020);
- Ndërtimin e semaforëve të rinjë në qytet-vazhdim (maj-qershor 2020);
- Hapjen e procedurave për disa punë si: rrugët lokale qytet-fshat, përmirësimi i kanalizimeve, furnizimin me ujë të pijshëm për fshatrat Zatriq, Mrasor dhe Kaznik, mirëmbajtjen e rrugëve lokale dhe atyre në qytet, muret mbrojtëse sipas prioriteteve etj;
- Pas kategorizimit të rrugës qarkore në Rahovec, do të angazhohemi në shpronësimin e pronave përmes Departamentit për Shpronësime në MMPH;
- Fillimin e punëve me projektin për sinjalizim horizontal dhe vertikal të rrugëve (gjatë tërë vitit 2020);
- Vendosjen e disa pengesave në rrugë sipas standardeve të përcaktuara;
- Inicimin, analizimin e madhësisë dhe dendësisë së qarkullimit në rrugët e qytetit për verifikimin e senseve të lëvizjes;
- Krijimi i parkingjeve të reja në qytet;
- Në bashkëpunim me policinë e Kosovës dhe kompaninë për autobartje të veturave, do të ketë angazhim gjatë gjithë vitit 2020;
- Ndriçimin publik në qytet dhe fshatrat më të mëdha të komunës sonë;

Në gjashtëmujorin e parë të vitit 2020, synim kryesor i DSHP-së do të jetë përmirësimi i infrastrukturës publike për qytetarët e komunës sonë. Në kuadër të infrastrukturës parashihet që kujdes i shtuar të bëjmë në: Trajtimin e ujërave atmosferik në qytet, infrastrukturën publike në rrjetin e kanalizimeve fekale si dhe zgjerime.

Tremujori i tretë: korrik, gusht, shtator

- Ndërtimin e rrugës Rahovec-Pataqan si dhe për Fortesë, fazën përfundimtare;
- Ndërtimin e rrugëve në Drenoc si dhe disa pjesëve të kanalizimit;
- Vazhdimin e projektit të rrugëve sipas marrëveshjeve me MIT, rruga Rahovec-Hamoc-Fortesë, rruga Xërxë Sapniq-Ratkoc, si dhe rruga katër korsi Rahovec –Xërxë (korrik-gusht-shtator 2020);

Tremujori i katërt: tetor, nëntor, dhjetor

- Trajtimin, largimin e qenëve endacak në bazë të marrëveshjes së AVUK-it me kompanitë private të licencuara për trajtimin e tyre;
- Infrastruktura në stacionin e autobusëve;

- Menaxhimi i deponisë për mbeturina nga demolimet dhe ndërtimet;
- Eliminimin e të gjitha deponive ilegale- inerteve;
- Në bashkëpunim me KEDS do të caktojmë prioritet për shtrirjen e rrjetit elektrik si dhe vendosjen e trafave sipas kërkesave të qytetarëve;
- Përmbylljen e disa projekteve kapitale;
- Përgatitjen në fund-vit për mirëmbajtjen e rrugëve gjatë sezonit dimëror,

Në gjashtëmujorin e dytë të vitit 2020, synim kryesor i DSHP-së do të jetë ndërtimi i rrugëve lokale, ndriçimi publik, trotuaret dhe mirëmbajtja e hapësirave publike.

DREJTORIA PËR BUJQËSI, PYLLTARI DHE ZHVILLIM RURAL

Drejtorja për BPZHR, për vitin 2020 planifikon rritjen e kapaciteteve prodhuese, modernizimin e bujqësisë, tërheqjen e investimeve, zbatimin e projekteve të hartuara gjatë planifikimit, me qëllim të rritjes së mirëqenies së qytetarëve, me theks të veçantë fermerëve, rritjes ekonomike dhe të punësimit.

DBPZHR këtë plan do të mundohet ta arrijë përmes:

- Realizimit të projekteve kapitale në bujqësi
- Përkrahjes direkte të fermerëve
- Shërbimeve këshillmore për fermerë dhe
- Bashkëpunimit me Ministrinë e Bujqësisë dhe organizatat që veprojnë në fushën e bujqësisë, të vendit dhe ato ndërkombëtare.

Prioritetet e Drejtorisë së Bujqësisë, Pylltarisë dhe Zhvillimit Rural:

Duke u bazuar në planifikimin e buxhetit, përcjelljen e thirrjeve të MBPZHR-së për skemën e pagesave direkte dhe të granteve, si dhe detyrave të tjera, prioritetet e drejtorisë do të kategorizohen në periudha tremujore.

Tremujori i parë: janar, shkurt, mars

DBPZHR qysh në janar do të kujdeset që të pret fermerët blegtor të cilët do të aplikojnë për pagesa direkte për litër të qumështit, në thirrjen që pritet të hapet nga MBPZHR për gjashtëmujorin e dytë të vitit 2019.

Po ashtu DBPZHR do të përgatitet që të jetë e gatshme të organizojë përballimin e fluksit të fermerëve që pritet të aplikojnë për pagesa direkte në MBPZHR. Ashtu edhe si vitin e kaluar do të funksionalizohen edhe dy zyra të pranimit të aplikacioneve në Krushë të Madhe dhe Ratkoc.

Veç tjerash, DBPZHR do të merr përsipër plotësimin dhe përgatitjen e dokumenteve për skemën e granteve duke u bazuar në thirrjet për aplikime që do të hapen nga MBPZHR. Stafi i drejtorisë, synojmë të jetë i gatshëm të përballojë fluksin e fermerëve gjatë kryerjes së procesit të aplikimit duke tentuar që

fermerët e komunës sonë të përfitojnë sa më shumë projekte kapitale, si: serra, stalla, ngritje të plantacioneve me vreshta, sektori i përpunimit etj.

Duke u bazuar në planin e prokurimit, do të iniciohen edhe procedurat e shpalljes së tenderëve për zbatimin e projekteve kapitale si dhe përcjellja e projekteve që janë në vazhdim, me theks të veçantë shpërndarja e mekanizmit bujqësor dhe ndërtimi i serrave për fermerë.

Vërejtje: Shpresojmë se Ministria e Bujqësisë të mos krijojë vonesa në hapjen e thirrjeve për aplikim.

Tremujori i dytë: prill, maj, qershor

Duke shpresuar që të jemi në një vijë me Ministrinë e linjës ku kemi aktivitetet e ndërlidhura dhe që fazat e aplikimit të përmbillen deri në mesin e muajit prill, padyshim që ky tremujor do të karakterizohet me përgatitjen dhe hapjen e thirrjeve për grante komunale.

Periudha kyçe në këtë vit është kjo, ku fermerët e komunës sonë do të kenë mundësi të shfrytëzojnë të drejtën e aplikimit për të gjithë sektorët e bujqësisë, si: sektori i vreshtarisë, sektori i perimekulturës, blegtorisë, bletarisë etj.

Për dallim nga viti i kaluar, do të krijohet edhe një linjë e përkrahjes së fermerëve në trajtimin e produkteve të tyre pas vjeljes, me theks: komore ftohëse dhe linja të vogla të përpunimit.

Përcjellja e projekteve kapitale në terren, duke shpresuar në përmirësimin e kushteve atmosferike, do të vazhdojnë ta përcjellin këtë periudhë tremujore.

Në gjashtëmujorin e parë të vitit 2020, synim kryesor kemi përfundimin me sukses të fazës së pranimit të aplikacioneve të fermerëve duke i respektuar udhëzimet e Ministrisë së Bujqësisë në sferën e granteve dhe atë të pagesave direkte – subvencioneve.

Padyshim objektiv kryesor është që fermerët e komunës sonë të jenë të kompletuar dhe të arrijnë të përfitojnë në maksimum nga skema e granteve të MBPZHR-së.

Poashtu në këtë periudhë synojmë që të pranohen aplikacionet edhe për grante të vogla komunale duke u bazuar në kërkesat që do të pranojmë nga fermerët për plotësimin e nevojave të tyre, me qëllimin e përmirësimit të kushteve të punës në sektorin e bujqësisë.

Tremujori i tretë: korrik, gusht, shtator

Korrje-shirjet do ta karakterizojnë periudhën e tretë të vitit. Poashtu, nuk do të mungojë përcjellja e projekteve të investimeve kapitale si dhe shpërndarja në mënyrë të drejtë dhe pa anime e grandeve të vogla nga komuna e Rahovecit.

Në këtë periudhë, theksi do të bie edhe te organizimi i festave të komunës sonë, të cilat promovojnë prodhimet tona cilësore që kultivohen anekënd komunës.

Tremujori i katërt: tetor, nëntor, dhjetor

Fokusi i periudhës së fundit të vitit do të jetë përcjellja e mbledhjes së prodhimeve, koordinimi i bodrumeve për grumbullim të rrushit si dhe përpunueseve të perimeve në tërë territorin e komunës sonë.

Sigurisht se prioriteti kryesor do të jetë realizimi i buxhetit, ku do të kujdesemi që punët e kryera të mbikëqyren dhe të shpenzohet buxheti në përpikëri.

Në gjashtëmuajorin e dytë të vitit, objektivi është vlerësimi i aplikacioneve të pranuar dhe shpërndarja te fermerët e granteve komunale.

Promovimi i produkteve të komunës sonë është objektivi përhershëm të cilin synojmë ta arrijmë përmes organizimit të festave që do ta karakterizojnë këtë periudhë.

Synimet e DBPZHR-së:

Përkushtim i veçantë i DBPZHR-së do të jetë përmirësimi i infrastrukturës bujqësore për fermerët e vyeshëm të komunës sonë. Në kuadër të infrastrukturës parashihet që kujdes i shtuar do të bëhet në:

- Riparimin dhe mirëmbajtjen e rrugëve fushore
- Intervenime në ndërtimin e kanaleve të kullimit dhe drenazimit të tokave bujqësore
- Pastrimi dhe mirëmbajtja e përrenjve.

Sektori i pylltarisë

Në kuadër të sektorit të pylltarisë fokusi do të jetë:

- Mbrojtja e pyjeve
- Rritja e sipërfaqeve me pyje të reja
- Bashkëpunim i qëndrueshëm me Agjencinë Pyjore të Kosovës për pronat që janë dhënë në shfrytëzim
- Angazhim maksimal në parandalimin e zjarreve në bashkëpunim me Drejtorinë për Mbrojtje dhe Shpëtim.

Sektori i zhvillimit rural

Edhe zhvillimit rural do t'i jepet rendësi e veçantë, duke u nisur nga fakti se komuna jonë njihet si një zonë me zhvillim të theksuar rural.

Me kujdes të veçantë do të trajtohen aspektet për trajtim dhe mbrojtje të faunës e cila është mjaft e pasur, falë rrjedhave të shumta të ujërave në tërë territorin e komunës sonë.

Gjuetia dhe peshkataria do të jenë dy fusha që do të kenë vëmendje të shtuar në planet tona afatgjatë.

Përveç aktiviteteve të parapara për periudhën kohore janar-dhjetor 2019, stafi i drejtorisë për BPZHR do të jenë të angazhuar edhe në komisione të ndryshme për mbikëqyrjen dhe pranime teknike të projekteve kapitale pranë kësaj drejtorie, si dhe në komisione të tjera pranë Kuvendit Komunal të Rahovecit.

Përfundim

Përveç aktiviteteve të parapara për periudhën kohore janar-dhjetor 2020, stafi i drejtorisë për BPZHR do të jenë të angazhuar edhe në komisione të ndryshme për mbikëqyrjen dhe pranime teknike të projekteve kapitale, komisione për përzgjedhje të fermerëve gjatë fazave të aplikimit për grante komunale dhe subvencione pranë kësaj drejtorie, si dhe në komisione të tjera pranë Kuvendit Komunal të Rahovecit.

DREJTORIA PËR GJEODEZI, KADASTËR DHE PRONË

Drejtorja për GJKP, për vitin 2020 planifikon rritjen e efikasitetit të shërbimeve, modernizimin e sistemit teknik, dhe zbatimin e politikave të hartuara nga Agjencioni Kadastral i Kosovës - AKK, me qëllim të rritjes së ofrimit të shërbimeve për qytetarët tanë, me theks të veçantë operatorëve të gjeodezisë.

DGJKP këtë plan do të mundohet t'ia arrijë përmes:

- Zbatimit të politikave të hartuara nga AKK,
- Përkrahjes direkte të gjeodetëve,
- Shërbimeve këshillmore për palë dhe
- Bashkëpunimit me AKK dhe organizatat që veprojnë në fushën e gjeodezisë, kadastrit dhe pronës.

Prioritetet e Drejtorisë për Gjeodezi, Kadastër dhe Pronë

Duke u bazuar në planifikimin e buxhetit, përcjelljen e politikave të hartuara nga AKK, si dhe detyrave të tjera, prioritetet e drejtorisë do të kategorizohen në periudha tremujore.

Tremujori i parë: janar, shkurt, mars

DGJKP qysh në janar do të fokusohet në shërbime cilësore në përputhje me afatet kohore dhe të unifikuara ligjërisht. Poashtu, DGJKP do të përgatitet që të jetë e gatshme të organizojë përballimin e fluksit të palëve që pritet të aplikojnë për pagesa direkte në MBPZHR, siç janë:

- Nxjerrja e fletëve poseduese, kopjeve të planit, etj.
- Do të funksionalizohen edhe dy zyra të cilat do të bëjnë lëshimin e fletëve poseduese, në Krushë të Madhe dhe Ratkoc.
- Stafi i drejtorisë, synojmë të jetë i gatshëm të përballojë fluksin e aplikuesve
- Qëllimi kryesor i drejtorisë do të jetë i fokusuar në shërbimet konform akteve juridike.

Tremujori i dytë: prill, maj, qershor

- Vazhdimi i evidentimit dhe lirimit të pronave të uzurpuara në nivel të komunës,
- Gjeoreferencimi i hartave- planeve gjeodezike të pa përfunduara,
- Vazhdimi i inventarizimit të dokumentacionit dhe skenimi masiv i dokumentacionit të pa skanuar,
- Shpronësimi i pronave private për hapje të rrugëve publike në nivel të komunës.

Në gjashtëmuajorin e parë të vitit 2020, synim kryesor kemi kthimin e të gjitha pronave publike të cilat janë nën administrimin të Agjencionit Kosovar të Privatizimit - AKP, e që janë në interes vital për komunën, do të përgatisim një shkresë me të cilën do të drejtohem Qeverisë së Kosovës dhe AKP-së që këto prona të na i kthejë në pronësi dhe administrim të komunës së Rahovecit.

Tremujori i tretë: korrik, gusht, shtator

- Themelimi i komisionit për komasacion,
- Vazhdimi i migrimit të zonave kadastrale në komasacion të fshatrave: Bellacërkë, Celinë, Xërxe, Dejnë dhe Dobidol.

Tremujori i katërt: tetor, nëntor, dhjetor

Gjatë vitit 2020 nuk do të mungojë edhe qasja ndaj detyrave të tjera, si në sektorin e gjeodezisë ashtu edhe në atë të kadastrës dhe pronës, ku vlen të cekem:

- Propozim-vendimet për seancat e Kuvendit Komunal
- Përgatitja e lëndëve për gjykatë dhe subjekteve të tjera të përfshira në zbatimin e ligjit
- Shqyrtimi i kërkesave të ndryshme të qytetarëve dhe personave juridik
- Punët e gjeodezisë inxhinierisë për nevojat e Kuvendit Komunal dhe palëve të tjera
- Matjet kadastrale për vërtetimin e uzurpimeve arbitrare
- Përgatitja e Aktvendimeve për uzurpimet arbitrare.

Me propozim të Kryetarit të Komunës, drejtuar Kuvendit të Komunës, do të bëhet shpallja e interesit të përgjithshëm të pronave komunale për zhvillim ekonomik të Komunës.

Në gjashtëmuajorin e dytë të vitit 2020, synim kryesor kemi themelimin e komisionit për komasacion.

Përfundim

Përveç aktiviteteve të parapara për periudhën kohore janar-dhjetor 2020, stafi i drejtorisë për GJKP do të bëjë edhe përgatitjen e aktdokumentit për angazhimin e gjeodeteve komunal jashtë drejtorisë, përgatitjen e akteve ndaj uzurpatorëve në nivel të komunës, dalja në terren e punëtorëve të shërbimit

pronëso-ro-juridik, me kërkesë të drejtorisë për inspeksion, dalja e gjeodetëve në terren për matjen e rrugëve në nivel komunal.

DREJTORIA PËR KULTURË, RINI DHE SPORT

Misioni i drejtorisë për Kulturë, Rini dhe Sport është zhvillimi i aktiviteteve kulturore, sportive dhe angazhimi i rinisë në këto aktivitete, promovimi i të drejtave të rinisë, stimulimi i talentëve të rinj dhe krijimi i kushteve të favorshme në mbështetje të rinisë, e që vazhdojnë të mbeten prioritet i qeverisjes sonë për vitin 2020.

DKRS këtë plan do të mundohet ta arrijë përmes koordinimit dhe bashkëpunimit me:

- MKRS dhe donatorë të ndryshëm vendor e ndërkombëtar,
- Thellimin e bashkëpunimit me komunitat e tjera,
- OJQ-të, strukturat e pushtetit lokal dhe organizatat ndërkombëtare që veprojnë në Kosovë.

Duke u bazuar në planifikimin e buxhetit, përcjelljen e thirrjeve të MKRS-së, si dhe detyrave të tjera, prioritetet e drejtorisë do të kategorizohen në periudha tremujore.

Tremujori i parë: janar, shkurt, mars

- Ndarja e subvencioneve në baza mujore, në kuadër të sektorit të Sportit
- Ndarja e subvencioneve në dy periudha, në kuadër të sektorit të Kulturës dhe Rinisë
- Nxitja e bashkëpunimit me OJQ-të në nivel komunal e më gjerë, përmes takimeve të ndryshme
- Hartimi i projektit për projektin "Ndërtimi i kompleksit sportiv në zonën turistike"
- Vazhdimi i punimeve, në kuadër të projektit "Restaurimi i monumenteve kulturore-historike" e projekteve të trashëgimisë kulturore, pastaj, kujdesi për objektet në listën e mbrojtjes së trashëgimisë kulturore dhe caktimi i atyre që duhet të ruhen, evidentimi dhe përkufizimi i vlerave kulturore e historike të objekteve të trashëgimisë kulturore
- Mbështetja e ngjarjeve e organizimeve gjithpërfshirëse lokale, kombëtare dhe ndërkombëtare: festivale, panaire, artizanatet etj.
- Organizime dhe përgatitje rreth manifestimit kulturor dhe përkujtimor "Flaka e Janarit
- Shpallja e konkursit letrar për fëmijë dhe të rinj
- Organizime dhe përgatitje rreth festës së Pavarësisë -17 Shkurti
- Epopeja e UÇK-së
- Tryezë diskutimi me të burgosur politik, në Ditën Ndërkombëtare të të burgosurve politik
- Forcimin e rolit të mjeteve të informimit në promovimin e idesë për masovizim të sportit, përmes shënimit të datave me rëndësi për sportin dhe organizimeve të ndryshme rreth sensibilizimit
- Funkcionalizimi i Këshillit të Veprimit Rinor Lokal

- Në kuadër të bibliotekave, do të përgatitet raporti tremujore, përpunimi fizik i materialeve bibliotekare, regjistrimi i anëtarësimeve të reja, promovimi i aktiviteteve në faqen e bibliotekës, fuqizimi i librit përmes vizitave në shkolla dhe organizimi i aktiviteteve të ndryshme
- Hapja e këndit librar
- Shënimi i Ditës Ndërkombëtare të Poezisë, me aktivitete të ndryshme
- Vazhdimi i punimeve në ndërtimin e fushave në: Optrushë, Dejnë, Kramovik
- Përmirësimi, ndërtimi i terreneve sportive dhe mirëmbajtja e këtyre objekteve.

Tremujori dytë: prill, maj, qershor

- Përfundimi i punimeve në kuadër të projektit “Riparimi i Shtëpisë së Kulturës në Ratkoc”
- Hapja e një nëndege të bibliotekës, në Ratkoc- në hapësirën e Shtëpisë së Kulturës
- Përcjellja dhe organizimi i aktiviteteve përkujtimore në nderim të të rënëve për liri
- Përgatitje rreth Festivalit folklorit “Anadrinia Jehon”
- Tryezë shkencore për Ukshin Hotin, në nderim të jetës dhe veprës së tij
- Dita e Qendrës së Kulturës “Mensur Zyberaj”, manifestimet kulturore e përkujtimore “Java e Dëshmorëve”
- Dita e Çlirimit e Komunës së Rahovecit
- Gjallërimi i jetës kulturore- artistike si edhe nxitja, promovimi i talentëve të rinj dhe inkurajimi i krijuesve të rinj të shkollave të mesme
- Furnizimi me libra në Bibliotekën Komunale “Sulejman Krasniqi” dhe hulumtimi i dhuruesve të librave
- Shënimi i Ditës Ndërkombëtare të Librit, me aktivitete të ndryshme
- Shënimi i Javës së Bibliotekarisë në Kosovë
- Organizim të aktivitetit në bibliotekë, në kuadër të Ditës Ndërkombëtare të Librit për Fëmijë, si dhe aktivitete të tjera
- Festivali Mbarëkombëtar i Muzikës Klasike “Do Re Mi - Unë dhe Ti”
- Aktivitet për nder të Ditës Ndërkombëtare të Muzeve, aktivitete të ndryshme në bashkëpunim me Shoqatën “Hareja”, për nder të Ditës së Fëmijëve
- Organizimi i garave sportive, në kuadër të festave zyrtare
- Organizimin e trajnimeve që kanë qëllim promovimin më të madh në punësimin e të rinjve.

Në gjashtëmujorin e parë të vitit 2020, synim kryesor kemi realizimin e planit të veprimit për vitin 2019, kontrollimin e raporteve të projekteve të subvencionuara nga DKRS-së nga viti paraprak, promovimi i vullnetarizmit, fuqizimi i organizatave rinore, realizimi i projekteve të cilat do të realizohen duke u bazuar në buxhetin e komunës së Rahovecit dhe donatorëve të tjerë, zhvillimi i ngjarjeve kulturore, politika mbrojtëse dhe promovuese për trashëgiminë kulturore në territorin e komunës së Rahovecit, trajtimin dhe shfrytëzimin e objekteve dhe institucioneve ekzistuese kulturore e sportive në komunën e Rahovecit.

Tremujori i tretë: korrik, gusht, shtator

- Organizime rreth përgatitjeve për Festivalin e Vjeljes së Rrushit
- Furnizimi me libra në Bibliotekën Komunale "Sulejman Krasniqi" dhe nëndegë.
- Evidentimi i punës në bibliotekë, përmes kartelave të librit
- Përgatitja e informatave lidhur me ecurinë e lexuesve në bibliotekë
- Organizimi i aktiviteteve edukativo-arsimore në bibliotekë
- Organizim të aktiviteteve sportive, për nder të Ditës Ndërkombëtare të Sportit për Zhvillim dhe Paqe
- Rigjallërimi i jetës shoqërore, në cdo Shtëpi të Kulturës, në komunën e Rahovecit, përmes organizimeve të ndryshme, ekspozitave, shfaqjeve teatrale, orë letrare, shfaqje të filmave për fëmijë etj
- Përfshirja e minoriteteve dhe grupeve të marginalizuara në aktivitete
- Organizim të aktiviteteve sportive, për nder të Ditës Ndërkombëtare të Rinisë
- Organizimi i ekspozitave në bashkëpunim me OJQ- të
- Organizimi i shfaqjeve teatrale
- Furnizim me libra, në Bibliotekën në Krushë të Madhe
- Përmirësimi, ndërtimi i terreneve sportive dhe mirëmbajtja e objekteve
- Ndërtimi i Këndeve të Lodrave për fëmijë.

Tremujori i katërt: tetor, nëntor, dhjetor

- Përkrahja e trajnimeve për punëtorët e sektorit të Kulturës, Rinisë, Sportit si dhe Bibliotekës
- Përkrahja dhe frymëzim i krijimtarisë dhe kreativitetit kulturor, përmes shpalljes së konkursave letrare gjatë festave zyrtare dhe subvencioneve
- Dita e Bibliotekës "Sulejman Krasniqi"
- Shpallja e konkursit për Çmimin "Sulejman Krasniqi"
- Aktivitete përkujtimore e kulturore për "Festat e Nëntorit"
- Nxitja e të rinjve nga zonat rurale që të përfshihen në sa më shumë në aktivitete
- Aktivitete për fëmijë "Rëndësia e bibliotekës për një të ardhme të ndritur"
- Aktivitete të ndryshme për promovimin e vullnetarizmit
- Festivali Mbarëkombëtar i Muzikës Popullore
- Organizimi i aktiviteteve sportive, në bashkëpunim me Komitetin Olimpik- Java Olimpikë
- Organizimi i Krosit Vjeshtor, në nivel komunal
- Formimi i Këshillit Organizues për përzgjedhje të "Sportistit të Vitit"
- Aplikim në thirrjet publike të MKRS-së, për projekte të ndryshme, me fokus të veçantë, ndërtimin e një Qendre Inovative për të rinjtë e komunës së Rahovecit
- Planifikimi i ndarjes së subvencioneve për OJQ- të
- Mirëmbajtja e Palestrës Sportive "Mizahir Isma"
- Përgatitja e raportit vjetor të bibliotekës

- Përgatitja e paramasës, dhe shpallja e tenderit për Dekorim të Qytetit për festat e fundvitit
- Gjatë këtij viti, do të përurohen edhe tri fusha sportive: Kramovik, Dejnë dhe Opterushë.

Në gjashtëmuorin e dytë të vitit 2020, synim kryesor kemi ndjekjen e të gjitha procedurave të nevojshme për fillimin e punimeve në tri projektet për komunën e Rahovecit, zbatimin i memorandumeve të bashkëpunimit me MKRS-në:

- ***Ndërtimin e stadiumit të futbollit të kategorisë së dytë, në qytet, sipas standardeve të FIFA-së;***
- ***Ndërtimin e palestrës sportive në Krushë të Madhe;***
- ***Ndërtimin e stadiumit të futbollit të kategorisë së dytë, me standardet e Superligës së Kosovës, në Ratkoc.***

Përfundim

Përveç aktiviteteve të parapara për periudhën kohore janar-dhjetor 2020, DKRS do të angazhohet edhe në pranimin dhe shqyrtimin e lëndëve, vizita objekteve sportive, takime me klube dhe shoqata sportive, vizita objekteve kulturore, takime me rini, takimet e rregullta në kuadër të DKRS-së, raportet javore, tremujore, gjashtëmujore dhe vjetore, organizimin e aktiviteteve kulturore e sportive, monitorimin e aktiviteteve sportive.

DREJTORIA PËR PUNË INSPEKTUESE

Në bazë të planit vjetor të punës për vitin kalendarik 2020, sipas dinamikës së punëve do të zbatohet të gjitha ligjet përkatëse, sipas specifikave të lëmvive të inspektorëve: tregtisë, sanitarisë, veterinarisë, ndërtimtarisë, pronësisë, komunikacionit dhe të mjedisit.

DPI këtë plan do të mundohet ta arrijë përmes koordinimit dhe bashkëpunimit me institucionet gjegjëse si:

- Policinë e Kosovës, Stacionin Policor Rahovec
- Gjykatën Themelore në Gjakovë- dega Rahovec
- Bashkëpunimi me komunitetin dhe shoqërinë civile
- Koordinimi i veprimeve me Ministrinë e Infrastrukturës dhe Inspektorët Rajonal
- Bashkëpunimi me operatorët e transportit publik dhe të mallrave

Prioritetet e Drejtorisë për Punë Inspektuese:

Duke u bazuar në zbatimin e ligjeve dhe rregulloreve në fuqi, prioritetet e drejtorisë do të kategorizohen në periudha tremujore.

Tremujori i parë: janar, shkurt, mars

Gjatë tremujorit të parë të vitit 2020, planifikojmë të bëjmë kompletimin e lëndëve të bartura nga viti paraprak, duke respektuar afatet procedurale e ligjore.

Në këtë fazë kryesisht fillojnë përgatitjet për ndërtime pranverore, por si ngecje do të jenë kushtet atmosferike dhe ne do të jemi vazhdimisht në vëzhgim të terrenit, gjatë kontrollimeve do të verifikojmë objektet të cilat nuk posedojnë leje ndërtimi, do të merren masa paraprake të parapara me ligjet e ndërtimit dhe rregulloret në fuqi.

Ndalimi dhe asgjësimi i mallrave që shkaktojnë dëme dhe rrezik për shëndetin, jetën dhe mjedisin e konsumatorëve, kontrole të vazhdueshme në transportim dhe bartje të mallit, gjë kjo e cila mund të arrihet përmes bashkëpunimit të inspektorit të tregut në koordinim me inspektorët e tjerë dhe organet e autorizuara.

Kontrollimi i objekteve shkollore dhe parashkollore, shëndetësore, kulturës fizike, sportit dhe rekreacionit, objektet e mbajtjes së higjienës personale, objektet publike, objekteve për furnizim me ujë të pijshëm etj.

Detyrimi i biznesve për legalizimin e veprimtarisë pranë zyrës së bizneseve në Rahovec.

Kontrollimi i mishtoreve dhe thertoreve gjatë tërë vitit, inspektimi për ruajtjen e tokës bujqësore nga degradimet jo ligjore dhe inspektimi i barnatoreve veterinare dhe bujqësore.

Tremujori i dytë: prill, maj, qershor

Gjatë tremujorit të dytë të vitit 2020, do të merremi me lëndët e plotëfuqishme me qëllim që t'i ekzekutojmë këto lëndë, duke u përqendruar në vendbanimet e komunës së Rahovecit, aty ku janë evidentuar uzurpues të pronave publike.

Bashkëpunimi me inspektorët e nivelit qendror për mjedis lidhur me koordinimin e aktiviteteve në fushën e mjedisit, të mbikëqyrjes së hapësirave të gjelbëruara, të inspektimit të ambulantave dhe barnatoreve shëndetësore lidhur me menaxhimin e mbeturinave sanitare, aktivitete këto që do ta karakterizojnë këtë periudhë tremujore.

Kontrollime mbi cilësitë, çmimet dhe kushtet e shitjes me çmime në aksion në të gjitha lokalitetet.

Kontrollimi i objekteve hoteliere, kushtet higjienike-sanitare, ushqimi, personeli, hapësirat e punës, menaxhimi i mbeturinave etj.

Në gjashtëmujorin e parë të vitit 2020, synim kryesor kemi inspektimin dhe parandalimin e ndërtimeve pa leje, kontrollimin e objekteve të vjetra nga aspekti i mirëmbajtjes, mbrojtjen e konsumatorëve, luftimin e tregtisë joformale dhe konkurrencës së padrejtë tregtare si dhe mbikëqyrjen e kushteve higjienike sanitare nëpër të gjitha objektet publike.

Tremujori i tretë: korrik, gusht, shtator

Këtë periudhë tremujore e karakterizon fluks më i shtuar i numrit të automjeteve nga mërgimtarët tanë, si dhe sezona e pushimeve verore, andaj, inspektori i komunikacionit në bashkëpunim me Policinë e Kosovës, Stacionin Policor në Rahovec, Njësinë e Trafikut, do të kujdesen për krijimin e sigurisë më të madhe dhe qarkullimin e lirë në komunikacion.

Në kuadër të kompetencave dhe përgjegjësiave tona kemi paraparë edhe planifikimin rreth furnizimit me shenja horizontale dhe vertikale të komunikacionit, për rrugët e reja dhe mirëmbajtjen e shenjave në rrugët ekzistuese.

Mbikëqyrja e kyçjeve në sistemin e rrjetit të ujësjellësit publik nga personat fizik dhe juridik, mënyra e shfrytëzimit dhe keqpërdorimet eventuale të ujit të pijshëm (larja e rrugëve, sipërfaqeve të hapura publike, autolarjet, ujitja e kopshteve etj), mbikëqyrja e ndërhyrjeve eventuale mbi infrastrukturën rrugore (ekzekutimi i punëve publike apo private), mbikëqyrja e hedhjes së mbeturinave jashtë vendeve të caktuara, do të vazhdojnë ta karakterizojnë periudhën tremujore.

Tremujori i katërt: tetor, nëntor, dhjetor

Fokusi i periudhës së fundit të vitit do të jetë verifikimi i të gjitha dokumenteve si: procesverbale, vendime, njoftime etj.

Sigurisht se prioriteti kryesor do të jetë realizimi i buxhetit, rritja e presionit në mënyrë të vazhdueshme në gjykata me qëllim shqyrtimin e lëndëve të dërguara nga inspektoriati, informimi i qytetarëve për domosdoshmërinë e pajisjes me leje të ndryshme që lëshohen nga komuna, pranim-shqyrtimi i kërkesave dhe ankesave të qytetarëve, shqiptimi i gjobave ndaj kundërvajtësve.

Në gjashtëmujorin e dytë të vitit 2020, synim kryesor kemi mbrojtjen sa më efektive të interesave të qytetarëve të komunës së Rahovecit, në bashkëpunim me të gjitha palët e interesit si: institucionet shtetërore, organet komunale, komunitetin e biznesit dhe qytetarët, si dhe zbatimin e plotë dhe të paanshëm të rregullativës ligjore dhe nënligjore që është në fuqi, identifikimin dhe eliminimin e dukurive negative, vendosja konform ligjeve për mbishkrime, panot dhe tabelat reklamuese, kontrolli rreth shfrytëzimit të sipërfaqeve publike.

DREJTORIA PËR MBROJTJE DHE SHPËTIM

Drejtoria për Mbrojtje dhe Shpëtim (DMSH) në punën e saj mbështetet: në ligjet, urdhëresat administrative dhe rregulloret në fuqi. Aktivitetet e drejtorisë janë të vazhdueshme dhe të pa parashikuara sipas intensitetit që mund të ndodhin nga fatkeqësitë natyrore dhe fatkeqësitë e tjera brenda vitit.

Drejtoria për Mbrojtje dhe Shpëtim (DMSH) për vitin 2020 planifikon bëjë këto aktivitete:

Tremujori i parë: janar, shkurt, mars

Gjatë tremujorit të parë të vitit 2020, DMSH është kujdesur që të bëjë planifikimin e masave për mbrojtje, shpëtim dhe ndihmë në rast të fatkeqësive natyrore dhe fatkeqësive të tjera, poashtu, DMSH do të kujdeset që të ndërmarrë të gjitha masat e nevojshme në ofrimin e ndihmës me rastin e shfaqjes së fatkeqësive elementare dhe aksidenteve.

Në kuadër të sektorit të emergjencës planifikohet edhe përgatitja e planit për reagim emergjent, poashtu, gjatë kësaj periudhe, planifikohet pjesëmarrja e zyrtarëve të DMSH në trajnime me qëllim të ngritjes së nivelit profesional në realizimin e detyrave.

Inspektimi i lumenjëve, përrenjve dhe kanaleve të hapura, konstatimi dhe evidentimi i dëmeve të shkaktuara nga fatkeqësitë elementare dhe ndërmarja e masave adekuate për sanimin e gjendjes, do ta karakterizojnë këtë periudhë tremujore.

Tremujori i dytë: prill, maj, qershor

Në tremujorin e dytë të vitit 2020, DMSH planifikon që të bëjë izolimin e objektit të zjarrfikësve, zhvillimin e aktiviteteve propagandistike për edukimin dhe vetëdijësimin e qytetarëve - nxënësve të shkollave në lëminë e mbrojtjes nga zjarri, verifikimin e përgatitjeve për intervenim të forcave dhe të mjeteve për Mbrojtje, Shpëtim dhe Ndihmë si dhe regjistrimin e mjeteve teknike të nevojshme për intervenime në raste emergjente.

Tremujori i tretë: korrik, gusht, shtator

Ngritja e nivelit të gatishmërisë emergjente në komunë, bashkëpunimi me sektorë, shërbime e zyra të ndryshme të cilat janë përgjegjëse për planifikim dhe veprim në raste emergjente, angazhimi në Këshillin Komunal për Siguri në Bashkësi gjatë tërë vitit 2020, përpilimi i raporterve dhe informatave të ndryshme nga lëmia e mbrojtjes dhe shpëtimit - janë disa nga aktivitetet e planifikuara nga kjo drejtori për vitin 2020.

Tremujori i katërt: tetor, nëntor, dhjetor

Inspektimi i rregullt i objekteve publike, inspektimet verifikuese, kontrolli i eliminimit të mangësive, koordinimi i punëve rreth dhënies së pëlqimeve në dokumentacion investivo-teknik dhe në lokacion, respektimi i standardeve për raste emergjente, inspektimi i rregullt i objekteve ekonomike dhe private, kontrolloi i radio-lidhjeve, azhurnimi i frekuencave - janë disa nga aktivitetet kyçe që do ta karakterizojnë këtë periudhë dhe gjithë vitin 2020.

PËRFUNDIM

Përkundër të gjitha sfidave, plani i qeverisjes së Rahovecit, do t'i jep identitet të veçantë qeverisjes lokale në Rahovec.

Ky plan është punuar me pjesëmarrjen e të gjithë drejtorëve të drejtorive përkatëse, poashtu, edhe të udhëheqësve të njësive në kuadër të zyrës së Kryetarit të komunës së Rahovecit.

Në planin vjetor të punës për vitin 2020 reflektohen plotësisht nevojat e qytetarëve të komunës së Rahovecit të identifikuar nga shumë takime që janë bërë në të gjitha lokalitetet e komunës. Si i tillë, ky plan është real, përmbajtësor dhe bazohet në gjendjen aktuale dhe objektivat zhvillimore të komunës, e zbatimi i tij kërkon energji të madhe, vullnet veprues dhe dinamikë të lartë pune.

Projektet apo investimet kapitale me vlerë strategjike janë shtylla kryesore e krijimit dhe forcimit të identitetit qeverisës së Rahovecit.

Me fjalë të tjera, këto projekte i japin Rahovecit vulën e mirëqeverisjes lokale në Kosovë dhe e bëjnë shembull i një komune të zhvilluar, e që përmes qeverisjes efektive qytetarët sjellë identitetin e veçantë të një komune të fortë, inovative e përparimtare.

Si kryetar komune bashkë me ekipin tim jemi të përkushtuar për të kryer shërbime ku qytetarët janë në rend të parë, trajtim me mirësjellje dhe respekt ndaj tyre, duke e këshilluar dhe ndihmuar atë në zgjidhjen e problemeve, duke besuar se këto vazhdojnë të mbeten vlerat e qeverisjes sonë e që reflektohen edhe në Planin Vjetor të Punës për vitin 2020.

Do të sigurojmë autoritetin e nevojshëm, trajnimet dhe resurset që na mundësojnë arritjen e qëllimeve tona të përbashkëta.

Jemi krenarë për profesionalizmin, kompetencën dhe dedikimin që ekziston në ekipin tonë qeverisës. Ne njohim dhe vlerësojmë veçantinë e çdo individi, si dhe vlerësojmë kontributin e dhënë dhe sinergjinë e krijuar nga përvoja dhe perspektiva të ndryshme.

Jemi të përkushtuar për të trajtuar çdo qytetarë me respekt dhe dinjitet.

Vazhdojmë me punë....

Vërejtje: Plani mund të pasurohet me ide, propozime e këshillat e juaja, sikundër që mund të jepen edhe vërejtje, në mënyrë që ta bëjmë edhe më të mirë.

Ju faleminderit!

